


22.6202
1232.073
25

登州府志



Kodak Color Control Patches

增修登州府志卷之二十

雜稅

蓬萊縣

課程稅銀拾壹兩牙雜稅銀拾捌兩壹錢叁分牛

驢稅銀拾肆兩貳錢肆分

黃縣

課程稅銀拾兩陸錢肆分牙雜稅銀肆百捌兩伍

錢壹分叁釐牛驢稅銀捌兩肆錢叁分

福山縣



課程稅銀肆兩貳錢叁分貳釐牙雜稅銀拾肆兩柒錢捌分貳釐牛驢稅銀肆兩貳分

棲霞縣

牙雜稅銀肆兩伍錢肆分

招遠縣

牛驢稅銀陸兩肆錢肆分玖釐

萊陽縣

課程稅銀捌兩玖分陸釐牙雜稅銀拾貳兩肆錢壹分牛驢稅銀拾陸兩柒錢壹分

寧海州

課程稅銀伍兩柒錢肆分牙雜稅銀柒兩陸錢伍分牛驢稅銀貳兩柒錢

文登縣

課程稅銀陸錢叁分陸釐牙雜稅銀壹兩伍錢壹分壹釐牛驢稅銀柒兩伍錢貳分玖釐

榮成縣

牛驢稅銀壹兩肆錢柒分壹釐

海陽縣

牛驢稅銀陸兩叁錢貳分

各州縣當稅

每店稅銀伍兩

船稅

每貨價銀壹兩稅銀叁分

契稅

每地

價銀壹兩稅銀叁分

及各項零稅皆無定額

海口釐稅

附

登州各口商船出入皆地方州縣派人收稅向無專局咸豐九年軍務倥傯大臣袁甲三奏請於山東各海口設釐稅局以濟軍需旋經 欽差郭嵩燾會同山東巡撫文煜馳查情形遂於登萊青及武定濱海十六州縣內分設六局福山之煙臺為一局而以寧海戲山各口文登威海各口附之利津之鐵門關為一局而以海豐城子口霑化陳家廟口附之黃縣之龍口為一局而以掖縣海廟各口蓬萊天橋各口昌邑下營口附之榮成之石島為一局而以俚島各口文登張家埠各口附之卽墨之金家口為一局而以女沽青島海陽乳山各口附之膠州之塔埠頭為一局而以諸城陳家官莊日照龍旺夾倉濤雒各口附之每局派州縣以上官一員並紳士等徵收各稅又以道員督領各局議定額稅一分仍由地方州縣徵

增修登州府志 卷三十一 雜稅 三

收按年歸入雜稅項下奏銷抽釐三分歸各釐局徵收按季報解其向無額徵者概歸釐局辦理儘收儘解十年設全省釐稅總局於省城海口各局皆由總局稽查撤去紳士專歸官辦十一年煙臺設東海關三口通商大臣奏定釐局章程並派員前赴煙臺督理洋稅凡中外商船稅務皆與地方官會辦同治元年裁領局道員以登萊青道爲東海關監督移駐煙臺遂將沿海各州縣稅務均歸監督經徵分設各口稅局旋以掖縣之虎頭崖口歸海廟分局兼管黃縣

之黃河營口歸龍口分局兼管日照之夾倉口歸濤糴分局兼管文登之張家埠口歸榮成石島分局兼管諸城之陳家官莊口昌邑之下營口距所屬分局較遠皆派員設局以專責成其文登之威海寧海之戲山霑化之陳家廟均照舊歸地方官經營舊設各釐局仍由省城總局派員辦理二年奉

旨以釐捐多弊敕天下釐局酌撤委員五月山東巡撫閻敬銘奏請徵稅照舊一分徵釐三分減爲三釐以稅爲主以釐爲輔稅歸海關釐歸州縣各自徵收

所有各口釐局委員一律裁撤章程遂定按釐稅乃
籌餉權宜之計自中外通商設關徵稅著爲定額已
成經制而釐局又未能驟裁十餘年來並行已久故
列其源委以見一時之措置焉

增修登州府志卷之二十一

鹽法

國初因明制山東鹽場共十九場康熙十六年裁併
爲十二場雍正七年又併爲十場以鹽運使司領之
轄於直隸長蘆鹽院道光十二年改歸山東巡撫兼
轄遂併爲九場永利場富國場皆在霑化王家岡場在樂安

永阜場

在利津

蒲臺場

在蒲臺

官臺場

在壽光

西繇場

在掖縣

石河場

在膠州

濤雜場

在日照

各設鹽課大使管理登州

舊有行村登寧二場皆元時設行村場在海陽縣西

南八十里康熙十六年裁歸石河場登寧場在福山縣北五里道光十二年裁歸西絲場

登州一府皆票地

按引有定而票無定引商有綱票商無綱凡行引之地票商不得攙

越票地亦然每票配鹽二百二十五觔與引同

每年額票外又有餘票以待

商人隨時酌增其行銷不盡者仍繳戶部後累次遞加攤撥各州縣遂與額票并行每票一張徵價銀壹錢陸分柒釐柒毫零

雍正八年長蘆鹽院鄭禪寶會同河東總督田文鏡

山東巡撫岳濬奏以登萊青二府票地瀕海

登州十屬萊州

掖平度昌邑膠高密卽墨六屬青州安邱諸城二屬共十八州縣

多近鹽灘空立商

名請改鹽課攤入地畝由州縣總徵分解永免設商

其奏略曰青萊登二府所屬之安邱掖縣蓬萊等十

八州縣票鹽例有商達部實係無商告運乃竈煎民

食課皆包納鹽價甚平相沿已久雍正六年奉旨

清理山東鹽務積弊檄令運司遵例招募良商銷引

辦課詎州縣官吏妄保奸商宋良臣等高擡鹽價較

前倍增以致民情未洽運司唐綬祖詳請立即斥革

各商一時鹽價頓平又詳據十八州縣紳民公呈請

免設商照舊行鹽辦課俯從民便等情經督臣飭查
妥議今運司楊宏俊詳稱確查鹽課攤入地糧每銀
壹兩計攤課僅壹分幾釐是所增不過毫末而食賤
鹽之利實多此富戶固所樂從至無地貧民既無攤
增之費而又得有挑散賣餬口營生上不虧課下不
累民民竈相安法可永久等情臣查各該州縣地處
海濱附近灘場民竈銷鹽辦課相沿已久應如所請

增修登州府志卷三
革除商名聽從民便著地方有司徧行曉諭仍派地保不時查禁越境販賣并禁土豪紳衿佔踞地方囤積漁利其民竈小販領票赴場運鹽該場截角驗放或有借端需索指勒及通同賄縱等弊照枉法贓科罪經戶部議准施行

定例有商之地竈煎商賣無商之地竈煎民賣無票即爲私鹽登州鹽課攤入大糧既不設商亦無領票之民每年皆官爲領票地丁徵完仍由官繳票價等項各灘竈戶准其自煎自曬民運民銷并無官價隨貴隨賤民竈兩便惟須各守疆界不得攙越只准在內各從其便儻漏入有商無商境票地即照私鹽例治罪仍不准豪民利徒無票行

商

票價而外又有鹽課一項有攤入大糧者有商人代辦者亦有竈戶自納者其原起不可考此外又有領票費紙硃價飯食繕書各費額課解費繳銷殘票解費都察院翰林院公費護軍校筆帖式解費河工協濟兵費鹽勇緝梟經費等項本係商課登州無商皆攤入大糧徵收而緝梟一項亦有由州縣捐廉批解者

各場竈籍戶口有丁曰竈丁每丁徵銀壹錢肆分柒

釐叁毫零

康熙五十二年以後滋生之丁永不加賦

又撥給竈戶之地曰

竈地供芻薪者曰草蕩地供煎曬者曰灘池地每畝

徵銀陸釐又鹽鍋每面徵銀壹錢貳分又有魚鹽課

鈔

明季設徵以供藩府今仍其名

食鹽折價

明時上下官司竈戶皆供食鹽其後折價成例

皆徵之於竈戶

自明季各場竈丁多逃亡所遺竈地居民輒佃種之

日久患滋民與竈訐訟不休官以種戶雖非竈丁而

所種原係竈地遂名之曰民佃雍正四年清查竈地

凡遠年迷失錢糧均攤民佃項下民間所買竈地轉

售之日必歸之竈而竈地永不許再售之民以符原

額其應徵竈丁銀按原額除一半攤入竈地及民佃

內徵收一半仍按丁均攤乾隆二年又將現存一半

竈丁銀全攤入竈地及民佃內徵收以紓丁力

額課攤入地糧皆有四四耗羨銀隨正徵收有起解

運司者有入應解各款及坐為火耗解費支銷者各

州縣不同

登州鹽灘舊數百區除棲霞不濱海外其黃縣福山

招遠各灘皆淤塞今存者蓬萊二處

大竈灘萊陽四小竈灘

處厥子灘孫家灘孫家小灘田村灘寧海五處林北村灘港北埕灘孫家灘小灘村灘菠

落島文登十一處前灘花島灘孔家灘嶺上灘港南

灘厥裏灘榮成七處劉家灘九皋灘斤山劉家灘慈

吳家灘海陽十三處溝裏灘小溝裏灘灘西灘丁裏灘北

方灘下方灘大灘魯古埠灘各灘竈戶均皆煎鹽薪

吉灘此皆石河場所轄者

芻不給價常昂貴居民又以前煎鹽味苦性燥春夏醃

魚秋冬醃菜不能持久近來各灘漸諳曬鹽鹽價稍

平民甚便之登州瘠處海濱貧富皆醃魚為食而醃菜尤為御僻窶乏之所資灘少之地所產不足必須買之鄰境至無灘地方皆仰給遠方故鹽價稍昂即形拮据自得關東大鹽接濟民食稍紓矣

蓬萊縣

額票柒百拾貳張徵票價銀壹百拾玖兩肆錢壹分肆釐

領票公費銀貳拾肆兩伍錢陸分肆釐紙硃價銀貳兩壹錢叁分陸釐飯食銀玖兩玖錢陸分

捌釐新增飯食銀貳兩肆錢肆分都翰公費銀玖錢玖分柒釐

筆帖式銀拾兩伍錢陸分給兵銀壹兩捌分貳釐

緝梟銀柒兩壹錢貳分

繳殘票銀壹兩肆錢貳分肆釐

鹽課銀拾壹兩伍錢叁分肆釐

額徵民佃銀肆拾陸兩捌錢捌分加攤竈地銀拾柒兩叁錢肆分伍釐迷失竈地銀貳錢貳分叁釐竈丁銀拾柒兩伍錢柒釐

黃縣

額票壹千肆百貳拾柒張徵票價銀貳百叁拾玖兩叁錢叁分貳釐

領票公費銀陸拾玖兩貳錢壹分紙硃價銀肆兩貳錢捌分壹釐飯食銀貳兩陸錢陸分貳釐繕書銀貳兩貳錢貳分解費積併銀貳錢玖分都翰公費銀壹兩玖錢玖分捌釐

筆帖式銀拾兩伍錢陸分

給兵銀叁兩陸錢玖分

緝梟銀拾肆兩貳錢柒分

繳殘票銀貳兩捌錢伍分肆釐

額徵民佃銀叁拾伍兩陸錢柒分貳釐肆忽加攤

地稅登州府志卷三十一
六
竈地銀拾叁兩壹錢玖分柒釐玖毫迷失竈地
銀壹錢陸分玖釐伍毫竈丁銀拾叁兩叁錢貳
分壹釐玖毫

福山縣

額票伍百拾伍張徵票價銀捌拾陸兩叁錢柒分
肆釐

領票紙硃價銀壹兩伍錢肆分伍釐飯食銀貳
拾肆兩玖錢柒分玖釐新增飯食銀玖錢陸分
繕書銀捌錢

都翰公費銀柒錢貳分壹釐

筆帖式銀拾兩伍錢陸分

給兵銀柒錢捌分貳釐

緝梟銀伍兩壹錢伍分

繳殘票并解費銀壹兩叁分

鹽課銀叁拾叁兩捌錢捌分

額徵民佃銀叁拾貳兩伍錢加攤竈地銀拾貳兩
貳分肆釐肆毫迷失竈地銀壹錢伍分肆釐肆
毫竈丁銀拾貳兩壹錢叁分捌釐

四四耗銀捌兩捌錢肆分

棲霞縣

額票肆百伍拾叁張徵票價銀柒拾伍兩玖錢柒分伍釐肆毫

領票紙硃價銀壹兩叁錢伍分玖釐飯食銀陸兩叁錢肆分貳釐新增飯食銀捌錢伍分繕書銀柒錢解費銀拾伍兩陸錢貳分捌釐伍毫都翰公費銀陸錢叁分肆釐貳毫筆帖式銀拾兩伍錢陸分

給兵銀陸錢捌分捌釐陸毫

緝梟銀肆兩伍錢叁分

鹽課銀壹兩陸分捌釐

民佃無

招遠縣

額票玖百捌拾柒張徵票價銀壹百陸拾伍兩伍錢叁分陸釐

領票公費銀肆拾柒兩捌錢柒分紙硃價銀貳兩玖錢陸分壹釐飯食銀壹兩捌錢肆分繕書

銀壹兩伍錢肆分解費銀柒兩貳錢捌分肆釐
解費積併銀壹錢叁分

都翰公費銀壹兩叁錢捌分貳釐

筆帖式銀拾兩伍錢陸分

給兵銀壹兩伍錢

緝梟銀玖兩捌錢柒分

繳殘票銀壹兩玖錢柒分肆釐

鹽課銀玖兩肆分叁釐

額徵民佃銀拾壹兩壹錢陸分加攤迷失竈地銀

伍分叁釐竈丁銀捌兩貳錢玖分柒釐

萊陽縣

額票貳千玖百陸拾張徵票價銀肆百玖拾陸兩

肆錢叁分玖釐

領票公費銀壹百貳兩壹錢貳分紙硃價銀捌

兩捌錢捌分飯食銀肆拾陸兩玖錢柒分繕書

銀肆兩陸錢壹分

都翰公費銀肆兩壹錢肆分肆釐

筆帖式銀拾兩柒錢柒分

坤修登州府志卷三
給兵銀肆兩伍錢

緝梟銀貳拾玖兩陸錢

繳殘票銀伍兩玖錢貳分

民佃全額撥歸海陽

寧海州

額票壹千捌拾捌張徵票價銀壹百捌拾貳兩肆錢柒分伍釐

領票公費銀叁拾柒兩伍錢叁分陸釐紙硃價銀叁兩貳錢陸分肆釐飯食銀拾伍兩貳錢叁

分貳釐新增飯食銀貳兩貳分捌釐繕書銀壹兩陸錢玖分

都翰公費銀壹兩伍錢貳分叁釐

筆帖式銀玖兩貳錢叁分

給兵銀壹兩陸錢伍分肆釐

緝梟銀拾兩捌錢捌分

繳殘票銀貳兩壹錢柒分陸釐

鹽課銀拾肆兩叁錢叁分叁釐

額徵民佃銀叁拾伍兩伍錢伍分伍釐加攤竈地

增修在州府志卷三十一
銀拾叁兩壹錢伍分伍釐迷失竈地銀壹錢陸
分玖釐竈丁銀拾叁兩貳錢柒分捌釐
四四耗銀拾壹兩伍錢叁分捌釐

文登縣

額票柒百伍拾叁張餘票陸拾肆張徵票價銀壹
百貳拾陸兩貳錢玖分餘票價銀拾兩柒錢叁
分肆釐票價積併銀貳錢柒分捌釐
領票紙硃價銀貳兩肆錢伍分壹釐隨正紙硃
價銀玖分玖釐飯食銀叁拾玖兩陸錢貳分伍

釐新增飯食銀壹兩伍錢叁分貳釐繕書銀壹
兩貳錢柒分解費銀陸兩貳分玖釐

都翰公費銀壹兩壹錢肆分肆釐

筆帖式銀柒兩捌分

給兵銀壹兩壹錢肆分肆釐

緝梟銀捌兩壹錢柒分

繳殘票銀壹兩陸錢叁分肆釐新增解費銀壹

兩陸錢叁分肆釐

鹽課銀貳拾陸兩陸錢捌分柒釐

增修登州府志 卷三
額徵民佃銀伍拾陸兩柒錢叁分壹釐民佃積併
銀貳錢柒分柒釐加攤迷失竈地銀貳錢玖分
伍釐竈丁銀肆拾貳兩壹錢柒分伍釐捌毫
四四耗銀伍兩伍錢叁分捌釐

榮成縣

額票叁百柒拾張餘票叁拾壹張徵票價銀陸拾
貳兩伍分伍釐餘票價銀伍兩壹錢玖分玖釐
票價積併銀肆分玖釐
額票公費銀拾叁兩捌錢叁分伍釐紙硃價銀

壹兩貳錢叁釐飯食銀伍兩陸錢壹分肆釐新
增飯食銀柒錢伍分繕書銀陸錢叁分

都翰公費銀伍錢陸分壹釐

筆帖式銀叁兩肆錢捌分

給兵銀伍錢陸分貳釐

緝梟銀壹兩肆分

繳殘票銀捌錢貳釐

鹽課銀貳兩貳錢伍分貳釐

額徵民佃銀肆兩柒錢陸分玖釐加攤竈地銀壹

兩柒錢陸分肆釐迷失竈地銀貳分叁釐竈丁
銀壹兩柒錢捌分壹釐

四四耗銀叁兩肆錢貳分伍釐

海陽縣

額票玖百肆拾貳張徵票價銀壹百伍拾柒兩玖
錢捌分捌釐

領票公費銀叁拾貳兩肆錢玖分玖釐紙硃價
銀貳兩捌錢貳分陸釐飯食銀拾叁兩壹錢捌
分捌釐新增飯食銀壹兩柒錢陸分叁釐繕書

銀壹兩肆錢柒分

都翰公費銀壹兩叁錢壹分玖釐

筆帖式銀肆兩陸錢肆分

給兵銀壹兩肆錢叁分貳釐

緝梟銀玖兩肆錢貳分

繳殘票銀壹兩捌錢捌分肆釐

鹽課銀捌拾肆兩貳分

額徵民佃銀肆百拾陸兩貳錢貳分伍釐肆毫加
難竈地銀壹百伍拾叁兩玖錢玖分伍釐迷失

竈地銀壹兩玖錢柒分柒釐叁毫竈丁銀壹百伍拾伍兩肆錢肆分貳釐

附

康熙三十六年蓬萊三竈奸民賄屬蠹書王國俊私開鹽店高價自肥又勾串外棍薛克亮等指巡鹽爲名拷詐小民邑人公呈具控官燭其奸枷責示衆并毀其店房斷令照常散賣

道光四年蓬萊長山島民積鹽爲醃魚計經官封圍後屢有封鹽之案地方官會同營弁各處查究至十

八年山東巡撫新兼鹽政恐登屬收儲關東大鹽浸灌有商票地飭行清查適寧海州詳報楊廷槐囤積私鹽一案知府英文批提至郡訊明楊廷槐所存鹽觔係爲醃魚之用並無在市售賣情事質之竈戶孫義臣等供亦無異遂徧察情形備悉登屬各州縣食鹽向係民運民銷課歸地丁額設引票從無積滯推原其故皆因各屬離場較遠竈戶無多所煎鹽觔不敷本處食用全賴關東大鹽以資接濟且沿海居民多以捕魚爲業每逢春夏捕魚之際所需鹽觔動以

億萬必須大鹽方能經久若用小鹽不特價值昂貴
抑且日久變味販運維艱是大鹽爲貧民生計攸關
習俗相沿歷年已久一旦驟行禁止民間之受累書
差之需索其弊何可勝言當經斷令此後凡漁戶所
需大鹽准其陸續收買以備醃魚之用儻有在市集
售賣以及圖利興販浸灌有商票地仍應嚴拏究辦
庶於鹽課民生兩有裨益案旣結郡人勒碑記之謳
思至今

咸豐元年榮成縣拿獲生員李廷爵等收買關東大

鹽至二十石知縣王錫麟詳請斥革李廷爵以沿海
醃魚向用大鹽不得謂之私鹽遞經上控巡撫批府
提審並飭登州府查前任英守前斷有無與鹽法室
礙卽由府詳察輿情參酌鹽法妥議詳奪知府汪承
鏞詳稱查登屬鹽不設商課歸地丁例許民運民銷
不准私煎私販各州縣額設引票按志應赴西繇石
河等場配運或百姓自買食鹽或良販買鹽轉賣俱
應責成鄉約稽查給發部票支鹽賣完之日截角繳
銷不准灘垣竈戶賣於無票之人是於便民之中仍

地仙登州府志卷三十一
杜販私之弊惟沿海居民多以捕魚爲業每逢春夏
醃魚之際所需鹽勛動以億萬必須關東大鹽方能
經久若用本地煎鹽不特價值昂貴抑且日久變味
居民又以前煎鹽味苦每多貪食大鹽此係習俗相沿
已久一旦驟行禁止惟恐民間生計攸關若聽其販
賣非惟有礙本地票鹽更恐謀利之徒藉醃魚爲名
用船裝運外境接濟私販鄰境民運州縣亦復相率
效尤層遞浸灌延及有商票地爲害非淺今李廷爵
所買之鹽雖稱爲醃魚之用第買自鄰省究屬無票

私鹽乃李廷爵以爲醃魚須用大鹽並非始於今日
不爲私販是漁戶醃魚究竟是否必須關東大鹽應
准其收買抑有犯卽應照私鹽論詳稽鹽志並無正
條無所適從擬請查核批示旣而李廷爵又以官役
勾串等詞遣抱京控遂提省審辦經撫批按察司會
同鹽運司查議據稱本司等會查鹽志登郡地方鹽
不設商亦不設巡其各州縣所需食鹽例係民運民
銷課歸地丁完納每年額票從無積滯而該處地濱
東海居民醃魚爲業買鹽接濟由來已久若果有礙

何以鹽志並不設役巡緝可見該處魚鹽爲生民自然之利一旦繩之以法非惟有妨生計且恐地方兵役藉端訛索其流弊有不可勝言者第不定以限制又恐影射興販浸灌有商票地擬請登郡地方准其收買魚鹽各在本境應用如有輾轉販賣浸灌有商票地者仍照定例緝究如此議定章程庶於課運民生均無妨礙遂轉飭沿海州縣一體遵照而濟南府讞局亦訊明李廷爵所買鹽劬委係醃魚并非買作食鹽亦非私販所得越訴咎罪照例納贖開復衣頂

案遂結

光緒四年春海陽竈戶孫溥孫漳等以居民收買沙鹽竈戶不能獨擅其利冀翻舊案朦朧具控石河場大使汪以和遂上稟以海陽乳山等處時有船運沙鹽進口奸商違例囤積恐煎鹽滯銷有妨鹺法議令沿海漁戶准其春夏捕魚時購買外境曬鹽令鹽船停泊口門就近交易不准起岸囤積秋冬無須醃魚照例禁止經運司核准飭知縣王敬勳出示曉諭而沿海居民千百成羣泣訴以爲沿海民竈雜處向來

沙鹽專爲醃魚之用民間食鹽仍買自竈戶蓋竈戶煎鹽係用柴草無錢買鹽者均以柴草易鹽民竈兩便竈戶知沙鹽進口恐人買食亦不敢高抬價值今自曉諭之後該竈戶覺有可恃鹽價遽然踴貴且沿海斥鹵耕種不宜全賴終年捕魚養生今專准春夏醃魚秋冬二季將作何業況海魚出水卽死故必先將鹽勸運足以備應用今只准沙鹽船隻到口停泊縣境僅乳山一口沿海村莊近者數十里遠者至百餘里必須將魚送至乳山口始能鹽醃窒礙尤甚懇

請轉稟到府經知府賈瑚據稟轉詳并云自咸豐二年定章以來民竈相安垂三十年今若如石河場大使所稟鹽不登岸秋冬勒禁儻或民間不遵卽屬私鹽勢必巡緝將與鹽志所云不設巡者顯然背謬訛索擾害其流弊誠有不可勝言者經撫批運司妥議據稱漁戶以捕魚爲業竈戶以煎鹽爲生儻聽從民便而竈鹽滯銷課無所出亦非大公之道惟有將前定章程略爲變通嗣後漁戶收買魚鹽准其遇有船運沙鹽到口時就近購買以爲醃魚之用不必拘定

增修登州府志卷之二十二
春夏亦不必專在乳山一口惟仍不准沿海商行私
收沙鹽囤積發賣以杜越境浸灌之漸其竈戶所煎
之鹽應令公平出售不得抬價居奇責成縣場互相
稽查用昭周密似民竈兩得其平可以各安生業撫
批如詳辦理轉飭遵照

增修登州府志卷之二十二

海運

漢

元封二年遣樓船將軍楊僕從齊浮渤海擊朝鮮
此由海轉輸之始

魏

景初二年司馬懿伐遼東屯糧於黃縣造大入城
船從此出

隋

開皇十八年漢王諒軍出榆關值水潦餽運不通
周羅暎自東萊泛海

大業七年敕幽州總管元宏嗣往東萊海口造船
三百隻

唐

貞觀二十二年將伐高麗敕沿海具舟艦爲水運
遣長史強偉於劍南道伐木造艦自巫峽抵江揚
趨萊州

元

至元十九年命上海總管羅璧朱清張瑄等造平
底海船六十艘運糧四萬六千石從海道至京師
二十年詔江南運糧於阿八赤新開神山河及
海道兩道運之二十一年罷阿八赤開河之役
以其軍及水手各萬人運海道糧二十二年勅
樞密院計膠萊運船備征日本詔罷膠萊所鑿新
河以軍萬人載江淮米泛海由利津達京師又勅
漕江淮米百萬石泛海貯於高麗之合浦二十
三年以昭勇大將軍張瑄明威將軍朱清並爲海

道運糧萬戶府 二十六年海運萬戶府乞罷膠萊海道運糧 二十九年中書省言今歲海運糧至京師者壹百伍萬石至遼陽拾叁萬石比往年並無折耗 三十年敕海運米拾萬石給遼陽戍兵 三十一年以所儲充足止海運叁拾萬石元貞元年增海運明年糧陸拾萬石減海運腳價鈔壹貫計每石陸貫伍百著爲令

大德五年畿內饑詔增明年海運爲百貳拾萬石十一年中書省奏每歲海運漕壹百肆拾伍萬

石今年江浙歲儉不能如數請仍舊例

至大三年以朱虎張文龍往治海漕是歲江浙漕叁百萬石

皇慶元年增江浙海運漕糧貳拾萬石

明

洪武五年命靖海侯吳楨總舟師數萬由登萊轉運餉遼 二十年封都督張赫爲航海侯朱壽爲舳艫侯自是每年一行軍食賴之至三十年以遼餉贏羨罷海運

永樂元年命平江伯陳瑄都督僉事宣信督海運糧肆拾玖萬石餉北京遼東後增至柒拾萬石十三年會通河成罷海運並罷膠萊運

宏治閒太傅邱濬請開元人海運故道與漕河並

行不聽其議略曰海運之法自秦有之唐人亦轉東吳粳稻給幽燕然亦給遠方之用而已

用以足國則始於元焉初伯顏平宋命張瑄等以宋圖籍自崇明由海道入京師至元十九年始建

海運之策時猶有中灤之運不專於海道也二十八年立都漕運萬戶府以督歲運至大末年專仰

海運矣終元之世海運不廢我朝會通河通利始罷海運考元史論海運云民無輓輸之勞國有蓄

儲之富以為一代良法又云海運視河漕所得蓋多作元史者皆國初史臣生長勝國習見海運之

利所言非無徵者竊以為自古漕運之道有三曰

陸曰河曰海而皆資乎人力漕河視陸運費省十

三四海運視河運費省十七八河漕雖免陸行而

人輓如故海運雖有漂溺之患而省牽率之勞其

利害蓋亦相當今國家都幽蓋極北之地而財賦

皆自東南而來會通一河警則人之咽喉一日食

不下咽立有死亡之禍況自古皆是轉搬以鹽為

庸直今則專役軍夫長運而加以兌支之耗歲歲

常運儲積之糧雖多而征戍之卒日少迂儒遠慮

請於無事之秋尋元人海運故道別通一路與河

漕並行江西湖廣江東之粟照舊河運而以浙西

東瀕海一帶由海道運使人習知海道一旦漕渠

晉修登州府志卷三十三海運

南之路不通國用不繼至十九年遣戶部尚書貢師往福建以閩鹽易糧給京師其後陳友定亦自閩中海運進奉不絕也若謂海道險遠恐其損人費財請以元質之其海運自至元二十年始至天歷二年止備載逐年所至之數以見其所失不無意也竊恐今日河運之糧每年所失不止此數況海運無剝淺之費無挨次之守而其兌支之加耗每石須有所減恐亦浮於所失之數矣此策既行果利多而害少又量將江淮荆湖之漕折半入海運除減軍卒以還隊伍則兵食兩足誠萬世之利也

隆慶元年戶科魏時亮言遼陽自罷海運轉餉甚艱乞稍通舊路從之 四年邳州河道淤平一百八十里詔議海運 五年山東巡撫梁夢龍等上

海運議從之 六年山東左布政王宗沐議復海運自淮出海抵天津後行之數年遇龍躍覆溺數萬言者交擊之乃罷

萬曆二十五年東征倭寇自登州運糧赴朝鮮

時瀕

海各道俱運 四十六年山東派運遼餉米豆拾萬石

抵蓋州套交卸尋加至拾伍萬石

歲額登萊濟青共陸拾萬石副

使陶朗先又於額外運拾萬石備用

崇禎十三年戶部郎中沈廷揚疏請試行海運詔領淮安水次糧壹萬石由淮入海抵天津 十五

年命淮海總兵官黃允恩領米伍萬石海運抵天

津

海道

元都於燕而仰給於江南至元十九年丞相伯顏定
海運之策民無輸輓之勞國有儲蓄之富遂爲一代
良法初運船自平江劉家港入海經揚州路黃連沙
頭萬里長灘沿山嶼而行歷淮安路至膠州界放靈
山洋投東北一路多淺沙月餘始抵成山計至楊村
馬頭其程一萬三千五百五十里二十九年朱清等

別開生道自劉家港至撐腳沙經萬里長灘放黑水
洋至成山歷劉公之罘沙門等島放萊州洋抵界河
口其道差爲徑直明年千戶殷明畧又開新道自劉
家港至崇明三沙放洋東行經黑水洋至成山仍由
劉公島一路抵界河口視前二道爲最便惟風濤不
測糧船漂沒無歲無之然歲運三百六十萬石視河
漕之費所得蓋多矣

明初仍循元制用海運以餉遼薊至永樂十三年始
罷隆慶五年以河道稍淤撥近地漕糧貳拾萬石自

淮安入海運至天津其程三千三百里後屢由此道
國朝龍興之初猶事海運舊志所載海運故道江寧
運船自龍江關出揚子江由劉家港入海經黑水洋
至成山沿海壩至沙門島抵老鐵山或東收旅順口
或西收三岔口或北徑抵直沽福建運船自水波門
出長樂港由五虎門入海經浙江界至江南上海過
大倉寶塔入黑水洋仍由成山一路抵直沽其後河
流順軌南漕皆由河運停止海運者且百數十年至
嘉慶九年給事中蕭芝浙江巡撫阮元各奏請分額

漕爲海運道光四年洪澤湖溢御史查元僞奏請海
運五年河道偶梗大學士英和奏請暫雇海船以分
滯運江蘇巡撫張師誠亦奏請河海分運遂以蘇松
常鎮秦四府一州之米自六年始雇募商船北運天
津其道自吳淞江入海由寶山崇明至余山東駛避
五道大沙再東北過黑水洋至山東境直泊石俚二
島轉成山頭經劉公島之罘島沙門島
山東洋面自日照入境至
利津
出境至直隸鹽山大沽河止計程三千五百十里自
大沽河過攔江沙至天津計程四百八十里運糧壹

地仙登州府志卷三十三
七
百陸拾叁萬叁千餘石二十八年以後屢行海運咸
豐閒江浙淪陷海運亦停同治三年削平髮逆時黃
河北徙漕運兩河皆有淤滯之處仍用海運每年雇
募商船派員督領其舵工水手皆熟習海道曲折風
信高下更無觸焦折桅之患江浙糧船皆會於上海
近來並用招商局輪船協運重洋往返如履平地尤
非元明所能及焉

運道惟成山最險而爲南船必趨之路自膠州靈山
以東有浮山勞山白蓬頭礁過成山直至九皋口一

路惡礁林立而成山斗入海又有始皇橋卧龍石筵
峙海中狂濤漩狀往往碎舟舟人視爲畏途自南來
者皆望延真島以爲之的元時曾開膠萊新河以避
之功費不貲迄無成效有明中葉又屢議開鑿新河
亦卒不行崇禎十年成山衛生員田士龍獻言衛城
西北朝陽口南距養魚池口僅十二里請開一渠以
運運船可永避成山之險詔遣文登知縣賀王盛踏
看會明亡而止其實土下皆巨石與新河等

登州口岸甚多如榮成之石島俚島文登之威海福

山之煙臺蓬萊之廟島爲糧船必經之路每年均由知府派員稽查并躬赴各處巡視總鎮亦派弁兵駐劄防守其偏僻口岸如海陽之乳山榮成之養魚池龍口崖文登之靖海馬頭崮劉公島寧海之養馬島崆峒島福山之八角蓬萊之長山島天橋口黃縣之黃河營岬吧島等處亦由總兵派兵防守而水師營亦派兵船巡防護送各分洋面以備不虞

明萬曆四十六年山東派運遼餉防撫陶朗先講求海道各府之糧或由陸路或由河道運至就近海口

上船而登州一屬蓬萊自天橋口黃縣自黃河營福山自八角口棲霞赴蓬萊天橋口或福山八角口招遠赴黃縣岬吧島萊陽自行村寨或卽墨金家口寧海自養馬島或龍門港浪煖口乳山寨文登自長會口或望海口馬頭崮倭島同時開船與各府糧船皆會於廟島自廟島北行經鼉磯羊駝南北隍城等島抵老鐵山至旅順口自鐵山西北行經老貓圈牧羊城羊頭窪雙島豬島中島北信島至蓋州套自旅順東行經紅崖大孤山柳樹下海口太義口至鳳皇城

往東入自旅順西行入天妃宮口至復州其道最爲
朝鮮界 便捷 國朝康熙三十三年積穀 盛京自天津運
米至三岔口三十七年賑饑朝鮮仍自天津運米至
中江皆取道登州

風候

每日五鼓初起視星月明潔四際至地皆無雲氣便
可行舟至巳時則止必無暴風若中道忽見雲起卽
便易舵回舟仍泊舊處大約每歲自五月以前風順
而柔過此稍勁至七月以後則勁矣

潮信

一日之內凡子午時壯則卯酉時衰丑未時壯則辰
戌時衰寅申時壯則巳亥時衰又以初一日何時壯
越三日而更進一時越五日而更進二時下半月與
上半月等以此推測無弗準者大約每月自十三日
起汎潮日壯一日十七日十八日愈壯二十日始衰
至二十六日而衰止也又自二十七日起汎潮日壯
一月初一日初二日愈壯初五日始衰至十二日而
衰止也一月之間再壯再衰每日長落必有其時故

曰潮信

增修登州府志卷之二十三

水旱豐饑

晉

太康六年三月長廣不其等四縣隕霜傷桑麥

北魏

景明四年七月東萊東牟疇妨害稼

唐

興元二年秋螟蝗自山而東際於海晦天蔽野草

木葉皆盡

貞元二年夏旱蝗東自海西盡河隴羣飛蔽天旬日不息草木葉及畜毛靡有孑遺民蒸蝗食之會昌元年秋登州雨雹文登尤甚破瓦害稼

宋

端拱二年登萊旱大饑

淳化元年文登牟平饑

景祐元年春登萊旱饑

治平元年登州旱

金

天會六年登州大水十一年大旱饑

大定二年寧海州蝗害稼民死者衆民十六年登

州旱蝗

元

至元十年寧海州饑二十四年登州淫雨傷稼

三十年九月登州蝗

元貞元年冬十月文登大水二年冬寧海文登

大水

大德元年牟平文登饑八月又大旱五年五月

寧海州大水秋風雨害稼 六年萊陽寧海饑

至大元年寧海大饑 二年三年登州寧海州俱

饑

至治元年十二月寧海州蝗 二年登州饑

泰定二年寧海饑

天曆元年登州寧海州有年 二年文登大饑

至順元年牟平文登饑

至正二十三年六月文登野蚘生七月招遠萊陽

及登州寧海州野蚘生 二十七年招遠大稔

明

建文元年至三年登州各屬蝗

正統元年夏各屬蝗 六年秋各屬蝗

景泰三年大嵩等二十衛所久雨壞城

天順四年夏各屬旱

成化十二年各屬大有年 十三年蓬萊先旱後

澇傷禾 十四年六月蓬萊大雨河水驟溢

宏治五年各屬大旱 十四年五月各屬雨雹殺

禾 十七年寧海大水

正德元年七月文登大雨海溢禾稼淹沒地爲斥
鹵 二年各屬饑 四年各屬大饑人相食

八年四月文登萊陽隕霜殺稼夏各屬飛蝗蔽
日 十一年秋蓬萊大水寧海蝗文登旱澇爲
災

嘉靖四年六月蓬萊大雨壞城 七年各屬大饑
死者載道 八年八月棲霞雨雹 十二年至
十四年各屬蝗禾稼食盡 十八年秋文登大
水 二十年黃縣二月不雨至六月始雨仍有

年 二十一年春黃縣大風霾沙壓田禾旱蝗
不爲災 二十五年寧海文登大水九月文登
雨雹 二十六年寧海春饑夏旱秋大水 二
十七年蓬萊大雪平地三尺餘人畜多凍死

二十九年四月蓬萊大雨雹 三十一年四月
二十六日蓬萊近郭雨霰數寸次日大風發屋
拔木 三十六年各屬無麥 三十七年蓬萊
大饑 三十九年夏各屬大旱蓬萊爲甚秋霖
雨水溢 四十年蓬萊大饑

隆慶元年六月朔蓬萊大風雹積冰三日不化淫
雨月餘秋大風發屋壞禾 二年春蓬萊大饑
夏不雨 三年春洊饑 四年秋文登大水禾
稼盡淹漂民廬舍

萬曆四年三月文登風雨狂暴禾苗盡傷 七年
六月晦蓬萊招遠等縣大雨平地水溢山摧石
崩淤田畝漂民居没人畜無算 十年秋黃縣
大雨井泉泛溢文登雨雹湯泉溢豆盡傷 十
一年秋蓬萊黃縣雨鹹水殺禾稼饑 十二年

蓬萊大饑 十三年福山文登大饑 十七年

秋蓬萊文登等縣大雨 二十年夏黃縣大水

二十二年五月各屬大雨雹傷禾民大饑

二十四年七月招遠大風捲海南溢淹禾豆

二十八年福山麥穗雙歧 三十一年黃縣饑

三十二年蓬萊黃縣夏旱秋大水 三十八

年夏各屬大旱 三十九年三月寧海大雨雹

四月蓬萊大雨雹 四十一年夏各屬大旱七

月初七日蓬萊福山文登等縣異風暴作大雨

如注經三晝夜廬舍傾圮老樹皆拔禾稼一空
蓬萊海嘯入城沿海居民溺死無算 四十二
年春黃縣福山饑黃縣大風拔樹夏蓬萊大旱
無麥六月黃縣颶風海水溢淹禾稼屋舍秋蓬
萊黃縣淫雨山水衝淹田禾 四十三年各屬
大旱饑自三月不雨千里如焚至七月初九日
始雨又至九月不雨蝗蝻徧野人噉木皮城幾
罷市 四十四年春各屬游饑至人相食餓殍
載路盜聚夜劫市賣子女 四十七年夏各屬

旱八月蝗 四十八年蓬萊棲霞六月不雨七
月初八日蓬萊海溢文登大風拔木折屋壓死
人畜甚衆八月寧海大雨雹

天啓元年寧海蝗 二年文登蝗夏棲霞雨雹

三年四年秋福山俱大水自三年至五年各屬
俱大有年 六年文登五月大雨雹二麥盡傷
閏六月大雨淹禾七月大風拔木 七年秋福
山大水

崇禎元年秋福山大水 四年棲霞大風傷禾秋

福山寧海大水 五年正月朔棲霞大風霾
九年棲霞大水蝗 十一年各屬春不雨夏蝗
飛蔽天食穀殆盡秋蝻蝻徧野蝗復大起無禾
十二年春各屬饑寧海文登飛蝗蔽空秋黃
縣穀秀雙穗有一莖四五穗者福山大
有年
十三年夏各屬大旱飛蝗蔽天傷稼秋大饑
十四年游饑民死大半文登棲霞至殺人而食
十五年二月蓬萊大風拔木壞屋

國朝

順治元年四月棲霞大霜傷麥 一二年黃縣大有
年 七年春夏文登旱秋萊陽文登大雨水漲
禾稼盡淹饑 八年春萊陽饑 十年六月蓬
萊雨四十餘日大水 十一年冬招遠大雪平
地數尺房舍傾圮民有不火食者 十二年至
十四年招遠俱大有年 十三年寧海棲霞大
有年

康熙三年蓬萊三月大雨雪奇寒四月大霜傷麥
五月萊陽寧海旱八月萊陽野蚘生 四年各

屬大旱無麥大饑 五年福山大 有年 六年

三月朔萊陽大雪夏旱無麥六月福山大雨至

八月始止稼傷過半 七年六月文登烈風三

日禾稼傷盡饑 八年三月萊陽雪 九年福

山旱地無苗冬復大雪平地丈餘人多凍死

十年三月萊陽大雪六月文登大雨三日海溢

漂損廬舍禾稼盡淹萊陽大水秋福山無雨

十一年福山春旱夏麥大稔七月萊陽蝗不爲

災八月文登大雨雹稻盡傷 十二年福山招

遠春夏大旱二麥盡稿 十五年樓霞大有年

十六年四月蓬萊大風摧木 十九年秋福

山大水 二十三年福山大 有年 二十四年

黃縣大有年三月福山大水文登大風拔木十

月福山大雨數日 二十五年秋蓬萊大水

二十八年春文登饑 三十年七月各屬飛蝗

遮天食傷禾稼旋遭雨斃八月樓霞蝻生饑

三十一年正月朔蓬萊大風拔木毀屋秋穀生

三穗豐收 三十三年萊陽饑四月雨雹害稼

增修卷之二十三
二麥皆無 三十五年文登大水大饑秋棲霞
饑 三十六年黃縣福山棲霞萊陽大饑 四
十二年春各屬大水五月大旱至八月不雨無
禾大饑人相食 四十三年春仍大饑民死大
半榆皮柳葉皆盡至食屋草 四十五年福山
招遠文登大有年 四十八年秋萊陽文登雨
傷禾稼饑 四十九年福山饑 五十三年十
二月朔福山大雷雨河水俱漲 五十五年夏
福山旱七月初五日各屬雷雨大作溪流橫溢

大木俱拔 五十六年福山旱八月萊陽文登
雨雹 五十七年福山大旱七月黃縣大風雨
經一晝夜禾粒搖落大木多拔 五十八年福
山夏旱秋大水七月萊陽文登大雨水溢漂溺
房屋禾稼盡傷 五十九年二月黃縣雨雪黑
如炭屑麥苗多萎棲霞大水 六十年各屬大
旱 六十一年仍大旱無麥

雍正元年九月棲霞蝗食麥苗殆盡萊陽寧海饑
文登大有年 二年二月棲霞野蚘生傷禾苗

夏無麥五月福山雨雹大如雞卵冬文登大雪

四年黃縣招遠大有年 五年冬福山大雪

深數尺 八年黃縣大水 九年春黃縣招遠

文登饑 十年福山饑 十一年萊陽寧海澇

饑 十二年秋黃縣大有年

乾隆元年海陽饑福山大雪 四年文登榮成先

旱後澇歉收 五年三月福山大雪寒甚五月

文登榮成海陽雨雹九月福山大雪盈尺 六

年各屬大有年 十年三月棲霞大風拔木秋

福山棲霞有年 十一年夏福山文登大雨傷

禾秋又大雨 十二年春蓬萊饑五月福山棲

霞文登旱六月又淫雨市月黃縣蝗食穀葉殆

盡大饑七月十五日福山棲霞寧海文登榮成

烈風拔木雨復大作禾稼盡傷 十三年六月

福山棲霞文登榮成苦澇飛蝗蔽日饑棲霞尤

甚鬻賣男女 十四年黃縣大饑餓殍載路賣

子女無算十月榮成大風 十五年七月黃縣

大雨河水泛溢衝塌民房沙壓田畝 十六年

春黃縣大饑三月又雨雪雜降奇寒夏秋仍淫
 雨不止福山棲霞淫雨好妨食禾稼大饑榮成
 淫雨害稼又雨雹民多饑死 十七年春黃縣
 大饑七月棲霞大風損禾寧海文登榮成大水
 饑 十八年春黃縣蝗蝻生捕之不為災秋黃
 縣福山棲霞文登榮成大 有年十一月棲霞無
 冰 十九年六月黃縣大雨水溢福山先旱後
 水歉收 二十年黃縣夏旱秋大有年七月文
 登大風傷禾稼屋垣半傾圮 二十一年秋福

山澇 二十五年秋福山有年 二十六年夏

黃縣麥大稔福山秋稔冬大寒樹多凍死文登

榮成大雪寒甚 二十七年五月黃縣大水漂

沒禾麥福山五月至七月數大雨秋澇 三十

年六月榮成大水衝田壞屋傷人 三十一年

春夏文登榮成大旱 三十二年三月文登榮

成大風拔木折屋 三十六年二月文登榮成

大風拔木越二日又大風 三十七年春文登

大旱 三十八年文登榮成自六月雨至九月

傷禾稼屋舍傾圮饑 三十九年二月黃縣文

登榮成大風連日不息麥苗盡損五月黃縣大

雨雹積厚數寸八月文登蝗 四十年夏黃縣

文登榮成大旱秋黃縣招遠螟蝗害稼八月文

登雨雹 四十一年秋黃縣大有年冬大寒海

凍數十里 四十二年三月黃縣大寒降霜損

麥改種禾秋稔五月文登雨雹 四十三年寧

海大饑 四十四年春蓬萊大風四月黃縣雨

雹擊損麥穗 四十六年正月朔黃縣大雪六

月又大水田禾盡偃屋傾牆圮井水泛溢文登

大風雨傷禾折屋 四十七年春文登旱五月

又大雨雹傷禾稼黃縣夏旱螟秋大澇民饑蓬

萊大水八月招遠文登大雨澆旬禾稼半死穀

穗生芽 四十八年二月文登大風折屋黃縣

大饑文登榮成自正月至五月不雨 四十九

年黃縣夏螟秋澇 五十年黃縣春颶風連作

損瀕海麥苗六月大熱人多暍死秋大旱招遠

大水傷禾饑八月文登雨雹 五十一年正月

文登榮成大風拔木雨土黃縣棲霞招遠海陽
大饑 五十二年黃縣旱 五十三年黃縣旱
秋文登榮成多雨歉收 五十四年五月文登
大風寧海大水六月棲霞大雨河溢瀕河居民
廬舍一空 五十五年夏黃縣麥大稔一穗兩
歧有一莖三穗者 五十六年夏黃縣麥大稔
秋澇七月朔文登大風雨 五十七年黃縣春
夏旱秋螟七月又大風雨雹傷稼 五十八年
黃縣大有年八月文登大雨雹 五十九年夏

文登榮成旱秋黃縣不雨至冬 六十年蓬萊
黃縣棲霞大旱大饑招遠饑文登夏旱螟食禾
秋無雨

嘉慶元年春文登澇秋各屬大有年 二年黃縣
大有年 三年夏文登榮成早歉收黃縣大有
年 四年正月黃縣大雪七月文登大風雨禾
稼盡傷 五年四月黃縣大風拔樹發屋海陽
饑 六年蓬萊蝗文登榮成自春至秋無雨草
木盡枯大饑 七年八月黃縣招遠蝗食麥苗

榮成有年十月黃縣大雪文登蝗食麥苗殆盡
八年春文登榮成大雪黃縣二月大風發屋
拔木夏蝗螟交作 九年棲霞春蝗生不爲災
秋有年七月文登大風禾稼盡傷 十年閏六
月黃縣風雨損稼饑七月寧海蝗文登雨雹
十一年寧海無麥蝻生不爲災四月文登雨雹
榮成自正月至五月澇荒 十二年春夏黃縣
旱五月文登雨雹秋大有年榮成豆豐收 十
三年黃縣饑 十四年冬黃縣海凍 十五年

黃縣澇麥實霉爛秋稼歉收五月榮成大雨秋
無豆十二月二十五日及除日又大雨 十六
年春黃縣旱夏蓬萊黃縣招遠寧海文登榮成
旱秋又大水棲霞淫雨四十餘日大風四晝夜
禾稼盡傷皆大饑 十七年正月朔黃縣雨雹
大水各屬大饑道殣相望秋寧海大稔榮成豆
豐收 十八年六月黃縣螟冬無冰棲霞大有
年 十九年黃縣夏寒五穀不熟秋螟招遠蟲
害稼冬黃縣大寒海凍百餘里凡兩月 二十

年正月朔黃縣大雪秋大有年 二十一年四月
月棲霞雨雹傷麥黃縣麥大稔 二十三年六
月文登大雨平地水深數尺民多溺死十二月
棲霞大雨 二十四年六月二十四日文登大
風雨禾盡傷饑十二月黃縣大水衝坍橋梁人
多溺斃 二十五年夏黃縣麥大稔秋有年冬
大寒人多凍死棲霞大雪山山谷皆平

道光元年夏黃縣麥大稔秋文登澇螟食禾殆盡
榮成春澇夏旱秋螟大饑 二年秋黃縣蝗文

登大有年 四年秋榮成旱歉收 五年秋黃

縣旱招遠無菽 六年二月黃縣大風壞麥苗

七年夏黃縣麥大稔六月螟 八年五月黃

縣暴風拔木屋瓦多飛 九年四月黃縣螟不

爲災秋大有年 十三年夏榮成初旱後澇歉

收秋棲霞大水 十五年春蓬萊饑夏文登旱

四月黃縣隕霜傷麥六月又旱螟蓬萊棲霞大

雨七月初四日蓬萊黃縣棲霞招遠大風三日

禾盡抉根大木皆拔大饑文登榮成自六月雨

四十餘日禾菽淹沒八月寧海大雪雷電
六年春各屬旱大饑寧海海溢淹沒民田
七年黃縣無麥 十八年春招遠旱無麥秋又
無菽黃縣麥大稔文登麥有一莖三穗者四月
榮成蝗蝻生捕之秋豐收八月寧海雨雪有雷
蓬萊秋稔 十九年春棲霞淫雨夏蓬萊棲霞
無麥四月招遠大雨十餘日麥生糜蟲多不實
秋大雨傷禾又大雨雹榮成自四月至七月大
雨不止二麥盡傷豆歉收 二十年秋招遠野

蟲食禾稼 二十一年正月二十六日各屬大
雪深數尺人畜凍死無算 二十二年七月招
遠有蟲傷稼 二十三年七月寧海暴風海溢
傷禾稼 二十四年夏招遠淫雨 二十五年
二月黃縣大風雨木冰十一月大雪平地深數
尺 二十六年三月蓬萊雨雹 二十七年三
月朔蓬萊大風發屋 二十八年六月蓬萊大
旱寧海蝗 三十年二月蓬萊大風陰霾如晦
六月大風雨禾稼多偃秋棲霞大有年

咸豐元年二月蓬萊大雪坯戶六月大雨河溢秋
歉收 二年二月蓬萊大風晝暝 三年七月
蓬萊大風雨傷禾稼黃縣大風折木傷禾 六
年二月蓬萊雨雹七月寧海蝗海陽蝗不爲災
七年夏黃縣蝗八月蝻生食禾殆盡棲霞寧
海蝗不爲災秋棲霞大有年穀多雙歧 八年
四月海陽大雨并大雨雹積聚成堆禾苗衝沒
二麥不登 九年春黃縣旱至五月始雨無麥
秋有年四月棲霞雨雹大如胡桃冬蓬萊無雪

十年春蓬萊旱無麥秋稔 十一年捻匪竄
擾各屬秋禾被傷

同治元年秋七月棲霞旱蓬萊黃縣福山招遠萊
陽寧海大雨連綿河水泛漲淹禾稼黃縣又有
蟲災皆歉收 四年正月蓬萊大雪黃縣夏旱
秋澇六月至七月萊陽數大雨平地水深七八
尺禾稼淹沒房舍坍塌無算棲霞大有年 六
年夏五月捻匪竄擾傷禾稼萊陽尤甚 八年
春黃縣旱秋又旱冬大雪 九年黃縣夏秋旱

冬大雪 十年夏黃縣麥大稔有兩歧者樓霞
大有年 十一年夏蓬萊麥大稔樓霞大有年
十二年樓霞大有年

光緒二年海陽旱饑 三年十二月蓬萊海凍兩
月舟楫不通各島饑 四年三月蓬萊大風雨
土秋樓霞大有年 五年正月朔各屬大風雪
閏三月蓬萊雨雹五月各屬大雨四十餘日大
水不成災六月十四日寧海文登海陽榮成大
風拔木發屋禾稼盡偃 六年三月十四日福

山大雨河漲夏各屬麥大稔

祥孽 附

漢

永光四年東萊郡東牟山野蠶繭收萬餘石人以

為絲絮

永始二年黃龍見於東萊

後漢

熹平二年黃縣海出大魚二皆長八九丈高一丈

餘 六年冬十月東萊大雷

中平四年十二月晦東萊雨水大雷電雹

晉

太康八年九月木連理生東萊盧鄉

宋

元嘉六年九月昌陽涸于邈獲白兔青州刺史蕭
思話以獻 十二年正月白麀見黃縣青冀二
州刺史王方回以獻

大明元年七月丁丑白麀見曲成獲以獻

後魏

太和十九年二月己未地震牟平虞邱山陷五所

一處有水

熙平元年正月曲成木連理

興和二年四月盧鄉木連理

隋

大業八年東萊疫人多死

唐

神龍三年登州刺史畢元愷獲白鹿以獻

開運二年六月文登地內湧出金銅佛像四

宋

乾德四年十二月登州獻芝五莖

慶厯六年棲霞地震岬嶠山摧自是屢震輒海底
有聲如雷九月登州言有巨木三千餘浮海而
出十月京東兩河地震登萊尤甚

紹聖四年十二月黃縣盧山觀池水凝結如珠纍
纍成佛塔香爐樓臺花卉諸形狀

元

元貞二年寧海州牟平獲白鹿於聖水山以獻
至正四年二月山東諸路地震有聲如雷 一十

七年二月丁丑朔招遠大社里黑風大起有大
鳥自南飛至其色蒼白展翅如席狀類鶴俄頃
飛去遺下粟黍稻麥黃黑豆蕎麥於張家屋上
約數升許

明

永樂六年正月二十三日登州各屬地震有聲如
雷至十二月晦方止大震五十有一小震無算

七年正月二十日復震至三月十四日止

八年登州寧海諸州縣自正月至六月疫死者

六千餘人

正統十年二月十三日蓬萊地大震是月小震凡九

成化十四年三月二十九日蓬萊黃風大作十九年十月二十日大星隕於府城西北光五色空中如鼓聲終夕二十三年黃縣文廟殿瓦生一瓜一蔓二蒂其大如缶

宏治五年黃縣文廟殿中几龕邊簋徧生芝草福山哨村民王姓婦產龍後禱雨有應土人爲

之立祠

正德七年三月文登大桑樹火樹燔而枝葉無損成山衛秦始皇廟鐘鼓自鳴殿宇傾圮是月流賊劉六劉七擁衆入城六月丁卯夜招遠有赤龍懸空光如火盤旋而上天鼓隨鳴十二年九月己卯濟青登萊四府地震

嘉靖十二年十月丙子夜星隕如雨十八年文登澤頭集李鏗家有龍破壁而飛雹隨之爪迹尚存二十五年九月初二日寧海文登地震

有聲 二十七年八月十二日登州地大震城
爲之崩壞民廬舍無算 三十四年十二月二
十九日卯初日生四耳俱紅赤色在北者光芒
奪目 三十五年六月二十日南方一星倏吐
光焰丈餘夜分羣星三十餘南奔光芒異常七
月二十六日颶風起府城東南市中鍋器起丈
餘拔木壞屋 四十年黃縣火龍晝見

隆慶二年三月戊寅登州地震

萬曆七年六月晦大雨招遠東關大河驟溢居民

驚起髣髴見一物狀如牛橫卧中流水逼而西

千家盡掃 八年文登萬石山崩 二十三年

府城軍器局災 二十五年冬蓬萊地震有聲

哼哼如車音良久乃止萊陽文登成山衛同時

皆震 二十六年春蓬萊地震者三 二十七

年三月蓬萊地震者再萊陽亦震 三十年冬

十二月福山地震 三十一年秋八月福山地

震有聲 三十二年十二月福山地震 三十

三年七月福山地震 三十五年黃縣黃山館

產白豕頭有肉角 三十七年春二月福山地
震如雷七月復震五月福山民盧光恩妻一產
三男 三十九年十月府城東街梁惠園牡丹
開 四十年蓬萊產白鳥冬無冰 四十二年
棲霞任留山鳥巢生異鳥有文采鄉人以爲雉
少頃鸛鳥畢集乃謂鳳云 四十四年夏秋福
山大疫死者甚衆 四十六年三月蓬萊備倭
城西營火秋蚩尤旗見東方每夜白氣亘天東
西約三丈餘經月不散又彗星長丈餘見於東

北光射中央 四十七年黃縣民家產豬二頭
四耳八足 四十八年八月招遠民家產豬腹
下又仰一豬合體無頭四足一尾

秦昌元年十二月甲寅府城北門樓災

天啓元年四月十九日訛言賊兵自東來民皆驚
走相蹂踐竟夜不息詰旦寂然不知所以自文
登至昌邑八百里訛言時日皆同人謂之鬼兵

秋文登地震 二年八月府城西北角樓災

四年正月日暈春棲霞地震自東北來有聲五

月府城東北角樓災黃縣有狼夜入城民格殺
之十月天鼓鳴 六年七月庚寅府城樓火

七年六月招遠先師廟棟生紫芝一本三歧

崇禎二年樓霞見天赤如血 三年正月朔樓霞

大風霾晝晦六月招遠大雨先師廟殿角有蟄

龍夭矯飛去 四年五月黃縣關帝廟前井水

如沸三日 五年夏蓬萊大疫 七年春有沙

雞自海島飛來搖翅如殺殺聲形如鶴惟食沙

因名人以爲兵象五月樓霞萊陽地震星隕有

北光射中央 四十七年黃縣民家產豬二頭

四耳八足 四十八年八月招遠民家產豬腹

下又仰一豬合體無頭四足一尾

秦昌元年十二月甲寅府城北門樓災

天啓元年四月十九日訛言賊兵自東來民皆驚

走相蹂踐竟夜不息詰旦寂然不知所以自文

登至昌邑八百里訛言時日皆同人謂之鬼兵

秋文登地震 二年八月府城西北角樓災

四年正月日暈春樓霞地震自東北來有聲五

月府城東北角樓災黃縣有狼夜入城民格殺之十月天鼓鳴 六年七月庚寅府城樓火

七年六月招遠先師廟棟生紫芝一本三歧

崇禎二年棲霞見天赤如血 三年正月朔棲霞

大風霾晝晦六月招遠大雨先師廟殿角有蟄

龍夭矯飛去 四年五月黃縣關帝廟前井水

如沸三日 五年夏蓬萊大疫 七年春有沙

雞自海島飛來搖翅如殺殺聲形如鴿惟食沙

因名人以爲兵象五月棲霞萊陽地震星隕有

聲 八年棲霞有物出自城南其大如斗形如

鐵重數筋土人呈於官棄之 十年夏五月黃

縣灰城曠大風捲地烟焰薄天隱隱見烟光中

有龍掉尾而去黃霧漫塞萊盧諸山 十一年

八月黃縣闔家曠民屋棟生芝草二本 十三

年招遠牛疫死者殆盡 十四年棲霞黃霧四

塞日無光萊陽疫人死者甚衆 十五年七月

地震有聲蓬萊棲霞狼入城十一月萊陽民曲

守行妻一產四男 十六年正月元日棲霞縣

宅災二月萊陽鶴鳥翔空飛蔽天日

國朝

順治元年二月府城颶風大作激海水至壩上是
夜數處失火春萊陽牛生犢一體二首秋七月
萊陽興國寺前并出白氣 一二年黃縣有一二
野豬來至海濱繼入山內生育漸多蹂食禾稼
三年冬萊陽有婦生男一身二首四手一尾
四年萊陽淺水莊地裂深數丈無際 六年
夏萊陽牛大疫 八年四月二十六日黃縣萊

山巨石崩聲聞數里 十年夏六月招遠張鳳

羽家寢室棟生紫芝 十四年春萊陽鵲巢于

地冬棲霞有虎至次年春足迹見於厲壇後遂
西去 十五年冬萊陽諸村每夜見白衣人持

石擊人出與敵輒不見五月乃止 十六年黃

縣有虎至南山食牛畜三月走入城北于家村

卧伏園中知縣王作率民役射殺之八月棲霞

星隕聲如巨雷光芒異常招遠縣衙東南隅生

芝三本冬天鼓鳴彗星犯北斗 十七年黃縣

姜家村池內並蒂蓮生秋七月萊陽西莊見黑
 龍二大風隨之火光數道傷禾壞廬拔彭家莊
 古柳下成潭九月萊陽有沙雞自南北飛 十
 八年二月夜白氣竟天棲霞豕生異獸一角旋
 斃十二月十二日棲霞白氣壓城頭直亘東西
 四月日生四耳或見若四日並鬪狀歷半月始
 息夏萊陽墓鳴樹上十二月二十九日萊陽雷
 康熙元年正月太白經天白虹貫日春萊陽徐惟
 平妻生男四目四手四足夏四月福山萊陽棲

霞寧海大疫人死甚衆冬十二月十六日萊陽
 縣廳西壁崩壓死三人一乃犯賊吏擬死遇赦
 免者二十七又無雲而雷 二年正月天鼓
 鳴初二日萊陽見流星大如月光燭地自南而
 北初九日又無雲而雷至二十三日有聲如海
 嘯自西南起至子時方息夏白氣冲天十一月
 萊陽沙雞至 三年三月萊陽羊圈口潮上大
 魚長六丈餘聲如雷旋死八月十七日萊陽地
 震十月望後彗星犯北斗光芒丈餘至十二月

初八日始滅 四年春彗星復見文登地震三
月初旬長庚晝見十月朔萊陽無雲而雷黃縣
文廟西梁上生芝草三莖 七年正月日生四
耳二十五日白虹見西南如匹練有彗星如正
布著天見於軫宿閱三月餘歷十五宿而始滅
六月十七日有聲如雷自東北來全省地大震
城垣廬舍傾圮無算人畜壓斃不可勝紀蓬萊
地裂湧白沙黑水六月福山兜余村西井水上
湧有聲如雷鄉人焚香號祝乃息 八年三月

初九日蓬萊福山地震至初十日五更又震十
四十五俱地震有聲如雷 九年六月十三日
日圍有圈色紅黃南方又見紅黃色如彩練東
西橫披十二月十八日文登紫金崗崩 十年
十月初二日夜福山地震有聲 十一年青登
萊三府地震 十六年秋招遠縣署內生瑞芝
三本 十七年西南一星上帶白氣長丈餘形
如帚冲入北斗月餘而沒 十八年正月日生
八環六月初一日寧海文登地震 二十一年

五月初六日雷震文登縣署二堂八月初一日
彗星晝見至十一日始滅 二十四年十二月
二十四日蓬萊福山文登地震有聲越二日又
震 二十五年六月二十八日文登見流星自
東南起大如斗明如日穿南斗入天河不見即
聞天鼓四五陣 二十六年夏六月黃縣龍晝
見於朱家村煙霧蒙密火毬飛起十月蓬萊棲
霞文登地震聲如雷自是屢震月餘乃息十二
月十六日棲霞地震如雷自是屢震月餘乃息

十七日文登地震 二十八年六月初一日文

登地震 三十年秋七月棲霞訛言有兵變農

民驚避不知所起 三十七年萊陽民劉明妻

一產三男 四十二年秋文登大疫民死幾半

四十三年福山瘟疫死者無算 五十一年

文登縣民邵宗湯妻一產三男三月十八日福

山地震 五十二年三月十八日子時福山紅

光滿處三四兩月棲霞地屢震十二月初一日

夜半又雷發聲者三 五十三年黃縣民魏振

先妻一產三男 五十四年三月十八日福

夜見紅光滿處 五十九年七月十四日招遠

見流星光如電天鼓鳴十六日萊陽有赤氣自

東南起倏如匹練橫亘向西北去有聲如雷

雍正元年黃縣城北池蓮生並蒂 三年二月日

月合璧五星連珠 七年十二月二十八日夜

分福山紅光滿處寧海正北慶雲五色經三時

始收羣稱嘉瑞從來未有 八年黃縣民高從

義妻一產三男 九年蓬萊民張學倫妻一產

三男 十年四月朔後日色慘澹若沙蒙霧罩

者然十七日日色赤如血中有二黑子動搖未

申聞日中黑暈一道色赤更甚如此數日

乾隆元年十一月二十四日黃縣福山文登地震

又連震數日 二年九月黃縣有狼白晝入城

縣民擊殺之 五年十二月初一日黃縣地震

二十四日又震海出大魚長六丈其骨專車

六年二月彗星見西方長丈餘七月復見至十

二月始滅 七年十月彗星又見 九年秋彗

星見於西南三月始沒 十一年十一月十九

日黃縣大燠 十二年十一月十九日蓬萊微

雨雜雪雷聲連發 十三年春福山大疫死亡

接踵 十五年五月黃縣文昌廟柏樹開花棲

霞民李文振妻一產三男 十九年棲霞牛疫

死者過半 二十年七月初旬黃縣南池並蒂

蓮生中旬復生 二十九年秋訛言有兵至民

驚散逃竄自黃縣至文登凡三百里訛言相同

三十年二月十一日文登榮成地震者屢

三十二年六月二十日文登榮成地震 三十

四年黃縣民王德妻一產三男秋彗星見 三

十五年七月二十九日榮成夜見北方紅光燭

天 三十八年十二月除日黃縣叢林治基寶

塔三寺鐘鼓自鳴 四十年八月十七日亥時

文登榮成地震 四十一年正月朔黃縣黃霧

蔽空 四十三年冬黃縣無冰百花開 四十

五年招遠呂氏瑩域木生連理 四十七年蓬

萊瘟疫 五十年夏六月黃縣大熱八月初十

日黃縣文登地震 五十五年十月初六日文
登榮成地震 五十六年十月初九日文登榮
成地震 五十九年二月初六日亥時黃縣署
內科房災

嘉慶元年二月榮成有聲如雷自東北向西南

二年十一月二十二日榮成天鼓鳴 三年四
月黃縣海出大魚長數十丈六月中旬大熱人
喝死無算 四年正月二十五日文登榮成地
震十二月朔蓬萊大霧竟日氣如硫磺 六年

四月榮成有星見於北方色赤如火狀西折如
龍五月樓霞邱家村王氏婦化爲男子 十年

六月黃縣大熱人多喝死 十一年十月十四

日黃縣地震十一月十八日又震 十二年七

月彗星見西方至十月始沒 十五年正月十

七日榮成黃霧充塞夜大風春文登野狼爲害

十六年彗星見長三丈餘四月初九日申時

文登地震五月初三日七震天鼓四鳴初四日

三震初五初八十四等日六月二十三日皆震

九月十六日凡三震九月彗星見西北經兩月始滅 十七年各屬大疫 十八年文登狼復為害彗星見 二十年彗星見於西 二十一年文登狼害更烈知縣召募獵戶捕之至二十三年始息 二十二年四月初八日榮成地震如雷 二十三年秋七月黃縣有熊走入位莊村土人用鳥槍擊斃 二十四年十月十二日黃縣地震十六日又震

道光元年四月朔日日月合璧五星連珠六月至

八月各屬大疫死者無算至十月乃止 三年六月文登地震 五年夏黃縣城南池並蒂蓮生 九年十月二十三日黃縣地震 十一年海陽民孫洪妻一產三男 十二年蓬萊瘟疫 十三年夏四月十八日招遠羅山石崩一角 聲聞數十里樓霞白氣竟天 十五年夏彗星見西北秋招遠後芥村臺子村俱蓮開並蒂 十六年春海陽大疫 十九年十二月十二日榮成大雷十六至二十三日又大雨 二十二

年秋有白氣見於西南長數丈數月方沒 二
十三年三月初八日夜棲霞地震 二十四年
夏白氣竟天八月二十五日寧海地大震移時
方定 二十六年春夏黃縣大疫幼孩夭傷無
算六月十二日黃縣寧海地大震 二十七年
太白晝見六月朔蓬萊見大星隕於東南其巨
如盃 三十年正月朔大霧雨水山野枯草皆
被冰林木如介初三日棲霞聞天鼓鳴

咸豐元年六月初五日彗星見 二年三月黃縣

民王經魁妻一產三男 三年正月二十二日

黃縣黃霧四塞著人衣皆黃二月初十日棲霞
雨土三月初七日棲霞地震五月初七日日色

赤如血人影皆如披毳夜月赭無光七月黃縣

大風鳳皇山塔圮 四年八月彗星見西北長

尺餘數日滅 五年十二月初一日棲霞地震

初五日黃縣地震 六年二月初九日棲霞雨

穰初十日各屬大風揚塵日無光三月二十五

日日色如藍無光五月彗星見光芒甚長七月

寧海大疫 七年十二月二十六日蓬萊地大震有聲如雷自西北來自此數震 八年正月二十七日蓬萊地復震越二日大震又十餘日始止自上年至此凡三十餘震七月初五日日月無光者三晝夜八月有星孛於北斗漸移而南至天市垣長六七丈芒焰異常二十餘日乃滅 九年正月十四日蓬萊鄉民訛言寇至鳴銃徹夜至天明始止五月十五日棲霞鐵口社民家豕生數豚有無毛而象鼻者有獅頭者有

五爪類虎者旋皆自斃 十年三月彗星見西北長二尺餘又一見東南長四五尺數日始滅 十一年五月二十五日棲霞地震有聲六月夜白氣如匹練橫貫南北十餘日始隱八月朔日月合璧五星聯珠九月捻患甫息蓬萊黃縣皆大疫海陽牛大疫

同治元年七月各屬大疫死者無算半月始止十六日初昏衆星交隕多趨西南縱橫如織夜分始息冬黃縣大燠 二年正月初二日蓬萊棲

霞大雷雨初七日黃縣雷二十五日又雨木冰

二月初七日亦如之 四年正月初三日黃縣

無雲而雷 五年秋太白經天七月二十三日

棲霞南七星橋地響如鳴鞭絡繹不絕凡四日

六年二月棲霞天雨草子如蕎麥至六月捻

匪過境秋稼失時惟蕎麥豐收夏黃縣疫幼穉

多殤 七年正月黃縣城南池冰結紋如花卉

枝幹分明至數百本民家盆盎冰亦如之冬雷

八年海陽民隋元春妻一產三男 九年夏

黃縣城南池蓮開並蒂 十年夏黃縣菜園泊

王姓家蓮開並蒂 十一年海陽牛大疫 十

三年六月有星孛於文昌棲霞牝雞化雄海陽

民李廷簡妻一產三男

光緒元年秋棲霞牛大疫海陽榆林莊東山有潭

甚深忽空際雲生紅黑隱有龍形潭中白氣突

起狂風大作拔木走石移時方息 三年棲霞

城東外泮蓮開並蒂 五年六月蓬萊大雷雨

羽山北麓黑水噴湧地裂為溝深六七尺長至

二里餘其南亦震裂一溝長半里許大石中斷
 若斧鑿然二十四日萊陽陰雨忽黑雲中有物
 旋轉怪風突起屋瓦皆飛居民趙姓尉姓房被
 揭去梁棟椽柱不知所之大樹拔折甚多七月
 初十日蓬萊地震越二日又震

